



增補藝苑卮言卷之十三

吳郡王世貞元美著

新安程榮仲仁梓

朱鷺魚以烏魚也烏也俱鷺之儀貌也烏轉為鴉

轉為雅食茄下茄荷也黃姑即河鼓也轉聲為黃姑

古人以牽牛為河鼓今星曆家牽牛河鼓各一星

嵇叔夜詩西游咸陽中趙李相經過註謂李夫人趙

飛燕大誤或云趙飛燕李平皆成帝所幸婕妤然不

應與婕妤游從班史谷永傳又有為趙李報德復怨

長樂西
蘇子

註小臣趙李從微賤尊寵楊用脩又言卽趙季李欵
然二人皆陽翟大俠爲何竝所殺未審孰是

晨風爲鷗海月爲水母名甚古雅王勃落霞與孤鶩
齊飛宋人謂落霞卽飛蛾也若作飛蛾孤鶩是何境
界

不借爲草履軍持爲淨瓶不律爲筆繞梁爲樂噐杖
名扶老鳥亦名扶老蟲名寄生軍裝亦名寄生琵琶
有大小忽雷馬有忽雷駁鱷魚亦曰忽雷

屋曰屠蘇冠幘曰屠蘇酒亦曰屠蘇

藁砧爲夫石澗爲碑皆鄉音也

馬曰驚帆船曰馳馬官有極賤而極貴者曰僕射有
極貴而極賤者太師

將離贈芍藥芍藥一名可離相招贈文無文無一名
當歸欲忘人之憂贈丹棘丹棘一名忘思欲蠲人之
忿贈青裳青裳一名合歡後人折柳贈行折梅寄遠
○禽經云風翔則風雨舞則雨霜飛則霜露蒼則露
風鳶類霜鷗鷁也露鶴也皆禽名雨則商羊獸也四
名甚奇

破鏡惡逆鳥也狸一名不來射狸首謂其不來故射
狐疑狼狽獸名甚著猶豫猶之爲獸也無恙恙之爲
蟲也無它它之爲蛇也流離離之爲鳥也焉之爲鳥
也能之爲獸也乙之爲燕也

兔絲無根而生蛇無足而行魚無耳而聽蟬無口而
鳴龍聽以角牛聽以鼻石脾入水則乾出水則濕獨
活有風不動無風自搖鴝鷓晝暗夜明鼠晝伏夜動
南倭海灘蚌淚看水晝隱夜顯沃山石滴水着色晝
顯夜隱

玄龜食莽飛鼠斷猿狼蝨嚙鶴青嬰食虎巨蛇畏蜈
蚣蜈蚣畏蝸此所謂禽之制在氣也其要離之伏菑
丘訴蘭相如之伏廉頗乎

相物者陳君夫相馬留長孺相蔬滎陽褚氏相牛又
有浮丘伯相鶴經甯戚高堂隆相牛經嚴助相具經
師曠禽經伯樂周穆王諸葛穎徐成相馬經而相馬
者又有寒風吳相口齒麻胡相頰女厲相目衛忌相
髦計鄙相尻伐羯相胸脇管青相臆吻陳非相股脚
秦牙相前君贊相後

吳孫休創八字名其子灣苒迄寔觥舜賢鉅莽昱

舉褒癘擁唐武則天製十二字盟照穴天塋地乙

日月○星厖君忠臣厖人廬戴年年击正後於宜

和書譜復得七字載囙國廔初釜證登授聖聖匣

生南漢劉岩自製龔字為名儼唐武宗創二字一乃

一宄以試王僕射起言臣於三教書字所不識者周

穆王傳馨門二字耳向者二字羣書未見

石鼓字尤難識其以今文讀者亦多意會今附記之

以俟再考

避吾王工孜好駮阜鼎員邈獵絛關鹵條趨憲燹臺

越卽空茨櫟櫟趨獨弣射段也沓沓皮溥潮鰕鰕

渙漁漓漫窆漁漉散躒音鮪菹鰓編鰓鮒鰓白胡乞

切庶縻縻鼻音沆渾趨搏蘭會盞音帶師陵躒

邈原阮陸觶音齏音奧澤趨力適乃樂忽奕鏃徒徒

駮駮廳廓寔宜鹵首輒載衍道溼濕趨池矧音冢音冢兕

迎音嶽奉雷零櫛流沘丞邈歸鹵西冢佳維導導導迨

遄我我我駟辭莽莽密音迪乃奈漆鼻栗櫟櫻搭音庸庸

一作庸條條籟若壑變盞利釵樹絛幽音音犛音戴音

一作遄遄條條籟若壑變盞利釵樹絛幽音音犛音戴音

熾音隻音奪音井音舉音芋音自音荀音呼音擾音振音復音濟音劑音兮音華音毘音大音

位音澗音淨音空音寧音晝音申音棄音乘音殺音類音夏音藜音康音駿音教音駛音速音奔音

奕音翰音霧音黎音施音宜音恣音憐音啜音亟音朔音夕音窳音掩音罽音畢音一作獻獻

受音受音會音鬪音圍音鬪音盛音

周書王會所載國名物產亦多奇詭不經青馬黑嶽

謂之母兒稷慎貢大塵似鹿穢人前兒若獼猴立行良

夷在子身人首脂其腹楊州禺禺魚名解發人鹿如

走迅俞人雖馬青丘九尾狐周頭輝炫羊黑齒白鹿白

馬白民乘黃似騏有東越海蛤歐人蟬蛇姑於越納

口姊妹珍且甌文唇若人玄貝海陽大蟹自深桂會

稽鞮義渠茲白白若白馬史林尊耳身若虎豹尾

豹牙食虎豹比戎以閭閻以隃寇渠叟以彪犬飛食樓煩星施

耳若十盧以牛牛之區陽以鼈封若規矩以麟西

申以鳳鳥丘兪鸞鳥巴人比翼鳥方楊皇鳥蜀人文

翰若方人孔鳥蠻楊翟鳥倉吾翡翠又伊尹為湯

定物貢正東符婁仇州伊慮溫深九夷十蠻越溫漭

文身貢魚支之鞞鳥鰓之醬鮫斂利劍正南甌鄒桂

國損子產里百濮九菡貢珠璣瑋象齒文犀犀翠

羽菌鶴短狗正西崑崙狗國鬼親枳已闕耳貫胸雕
題離丘漆齒貢丹青白旄紕剡江歷龍角神龜正址
空同大夏莎車姑他旦畧貌胡戎翟匈奴樓煩月氏
織犁其龍東胡貢橐駝白玉野馬駒駱駝騃良耳
穆天子傳中多奇字異物或不可解者今備載之以
俟參考

國名鄘巨音切島余音疇焉居禹知之平珠余赤烏曹奴

留骨鷗韓歆閻智氏闕氏胡氏濁繇骨飢重鎰臣蒐
留昆陵翟畢○許○毛○井○霍○逢○郟○盛○

邗○曹○因氏囂氏漿洩地名温谷樂都漆澤縣圃

樂野沙衍蘇谷長淡剛多曠原南鄭圃鄭桑野房子

經林兔臺櫟丘富丘相其軍丘雀梁羽林虎牢留祈

麗虎荔丘寘軫九阿丹黃黃竹菹臺五鹿樂人甘○

盛門重壁壺鞦澤寒淑丘祭丘馬主菹臺茅尺野王

○鹽山名陽紆崑崙崙鷗鳥積石蠲山春山羣山鐵山

苦黃鼠弁山温山戎山瓜纏積山文山鼐山采石長

沙焚留陽紆毖晉雷首黃空髭山鉞山塗山曲山薄

山水名虓沱赤水滲澤枝詩珠澤洋水黑水玄池溇

紫綠三種查有蠻羗猴三種梔有青烏赤葉三種棠
有赤白青沙四種梅有紫葉紫萼同心麗枝朱梅燕
梅猴梅七種杏有蓬萊文杏二種桐有椅桐梧桐荆
桐三種林檎十枇杷十橙十安石榴十檉十白銀樹
十黃銀樹十槐六百四十年長生樹十萬年長生
樹十扶老本十守宮槐十金明樹二十搖風樹十鳴
風樹十琉璃樹七池離樹十離婁樹十白俞榴桂蜀
漆樹各十栴四椈七栝十楔四楓四後云從上林令
虞淵得群臣所上草木名二千餘種後失其本此其

記憶者又茂陵富人袁廣漢園有白鸚鵡紫鴛鴦牝
牛青兕奇獸怪禽江鷗海鶴悉沒入上林太液池中
有鳴鶴舟容與舟清曠舟採菱舟越女舟池有洲結
樹一株大六十圍五柞宮五柞樹蔭覆數十畝三輔
黃圖高帝時南粵王獻龍眼樹武帝於交阯移荔枝
百株植上林建扶荔宮中有菖蒲百本山薑十本甘
蕉十二本留求子十本桂百密香指甲花百本龍眼
檳榔橄欖千歲子甘橘皆百餘本內荔枝一株獨茂
忽夕萎死守吏死者百餘夫草木多至二千餘種則

長卿所言固未虛也窮措大不復知前代帝王富盛
便不復信可發一笑

梁冀妻孫壽開翠眉爲愁眉五代宮中畫開元御愛
眉小山眉五岳眉垂珠眉月稜眉分稍眉涵烟眉鳳
池院尼童有淺文殊眉唐明皇令畫工畫十眉圖一
曰鴛鴦眉又名八字眉二曰小山眉又名遠山眉三
曰五岳眉四曰三峰眉五曰垂珠眉六曰月稜眉又
名却月眉七曰分稍眉八曰涵烟眉九曰拂雲眉又
名橫烟眉十曰倒暈眉東坡詩成都畫手開十眉橫

雲却月爭新奇

唐末點唇有胭脂暈品石榴嬌大紅春小紅春嫩吳
香牛邊喬萬金紅聖檀心露珠兒內家圓天宮巧洛
兒般淡紅心猩猩暈小朱龍格雙唐媚花奴

漢有隃麋墨東宮香墨鄴中三臺有曹公石墨造墨
有韋仲將墨法冀公墨法祖氏墨法李超李廷珪墨
法潘谷墨法麻子墨法宋徽蘇合烟墨法

造墨之妙者魏無過韋誕云仲將之墨一點如漆五
李無過李廷珪父子其墨浸水中三年不壞宋有潘

谷元有朱萬初皆可貴也

黃帝有玉爲墨海其文曰帝鴻氏硯漢天子用玉硯
魏武上雜物有純銀參帶臺硯又參帶圓硯晉武賜
張華青鐵硯柳公權蓄硯以青州石末爲第一絳州
者次之後始重端歛臨洮及好事者用銅雀臺瓦爲
硯至有稱未央宮瓦者然皆不及端

漢和帝時中常侍蔡倫擣故魚網作紙然倫以前有
紙按班史稱赫蹏西京雜記稱薄蹏注云小紙也又
三輔故事衛太子以紙塞鼻蔡後有左子邑善造紙

蕭子良云子邑之紙研妙輝光唐高麗歲貢蠻紙襯
書卷日本國出松皮紙又大秦出蜜香紙一云香皮
紙微褐色紋如魚子極香而堅韌晉武帝賜杜預萬
番寫春秋釋例又水苔紙以苔爲之名側理紙晉武
又賜張華萬番造博物志扶桑國出笈皮紙中國有
桑皮紙蜀中藤紙江南竹紙楮皮紙黥歛凝霜紙浙
中有麥麩稻稈紙王右軍會稽庫中有紙九萬番悉
以乞謝安齊高帝造銀光紙賜王僧虔段成式在九
江造雲藍紙又湘東王爲荊州上武帝紙萬幅又奉

簡文紅箋二千番又云特送五色紙三萬枚吳越有
温州蠲紙給紙者蠲役烏程紙由拳紙南唐有澄心堂紙

細薄光潤爲一時之甲蜀箋按成都古今記載其目
曰深紅曰粉紅曰杏紅曰明黃曰深青曰淺青曰深
綠曰淺綠曰銅綠曰淺雲凡十樣又有松花金沙流
沙彩霞金粉桃花冷金之目蜀志王衍以霞光箋五
百幅賜金堂令張曠又有百韻箋幅長可寫百韻學
士牋短於百韻薛濤箋短可書四韻韓浦詩云十樣
鸞箋出益州又元稹寄薛云菖蒲花發五雲高

洪又載兩漢人希姓亦可紀複姓如公上不害合傳
胡害室中同昭涉掉尾單父右軍陽城延息夫躬游
水發根吾丘壽王浴下閔梁丘賀五鹿充宗公戶滿
意堂谿惠申章昌告星賜關門慶忌安國少季馬適
建都尉朝母將隆紅陽長仲烏氏羸周陽由勝屠公
母鹽氏歐侯氏士孫喜索盧恢屠門少丞田儀工師
喜駁馬少伯公乘歙鮭陽鴻弓里游公沙穆胡母班
周生豐友通期公緒恭公族進階水丘岑叔先雄單
姓如繒賀蟲達靈常賁赫其石旅卿裒彭祖革朱樛

樂冷豐冥都復中翁蒯徹直不疑閔孺使樂成栝育
制氏猗頓義縱雋不疑疏廣云敞枚乘終軍鹵公孺
食子公駢臂侖宗衡胡乘宏簡卿快欽所忠假倉畦
孟釐惲塗惲射姓后倉姓偉如氏苴氏百政免公髮
福質氏濁賢稽發萬章矐氏佗羽繡君賓漕中叔栩
丹帛敞遲昭平汝臣駒幾稱忠逮晉臺崇沐茂偃氏
勞丙抗徐闕宣沮儁卑整編訴亶誦尋穆夜龍弓林
行巡殺諷角閔芳堅鐔錫光倜偉重異力子都維汜
記索繇延夷長公防廣鐔顯緜王蕃嚮渠穆臨孝存

脂習竿融茨充處興興渠具爰諒輔騰是卿仲遼謁
煥矯真晃華注丹襴衡又應劭風俗通載合浦太守
虎旗上郡太守邸杜河內太守遇冲北平太守賤瓊
東平太守到質沐寵北平太守卑躬鴈門太守宿詳
五原太守督瓊汝南太守謁渙九江太守荆修東海
太守鄙熙弘農太守移良南郡太守爲昆酒泉太守
類暢北海太守處興巴郡太守鹿旗涿郡太守作顯
廬江太守貴遷交趾太守賴先外黃令集一洛陽令
諸於單父令卽賣烏傷令昔登山陽令職洪高唐令

用科

梁四公名蜀闖

上攜下琛

魏杰

上萬下桀

越齋

上蜀下端

仇胥

上掌上觀

音字尤奇不可曉

中國名酒不備載西域有蒲萄酒南蠻檳榔酒扶南

石榴酒辰溪釣藤酒赤土國甘蔗酒今四夷酒以暹

羅為第一

馬賦有云其名則汗血山子桃騃綠耳金喙騰黃騶

吾吉光蒲稍啟服野麋蛾鹿白蟻鷄斯蜚鴻母兒遺

風騶裊茲白織驪按黃帝有馬曰飛黃散宜生賂紂

者曰鷄斯犬戎吉疆義渠茲白

能食虎豹

周穆王傳八駿

一曰赤驥二曰盜驪三曰白義四曰踰輪五曰山子

六曰渠黃七曰驊騮八曰綠耳王子年拾遺記則一

曰絕地二曰翻羽三曰奔霄四曰超影五曰踰輝六

曰超光七曰騰霧八曰挾翼秦始皇有七馬一曰追

風二曰白兔三曰躡景四曰追電五曰飛翮六曰銅

雀七曰晨裊一曰神鳧唐侯有驪驪項王有烏騅漢

文帝自代還有九馬一浮雲二赤電三絕羣四逸驃

五紫燕六綠離七龍子八麟駒九絕塵後得千里馬

却之漢武有天馬西極馬天馬汗血又東方朔獻馬
曰步景昭烈有的顱魏武有絕影呂布有赤兔曹真
有驚帆曹洪有白鶴魏文遺孫權織驪陳王獻魏文
大宛紫騮冉閔有朱龍劉琬有騏雄吐谷渾有青海
驄隋文帝有獅子驄唐太宗得之民間太宗有九馬
鐫像又得骨利幹十馬一曰騰霜白二曰皎雪驄三
曰凝霜驄四曰懸光驄五曰決波駒六曰飛霞驃七
曰發電赤八曰流金駒九曰翔麟紫十曰奔虹赤代
宗有九花虬德宗有神智驄如意驄秦叔寶有忽雷

駁宋王明圖叱撥有八曰紅耳叱撥鴛鴦叱撥桃花
叱撥丁香叱撥青叱撥騮赤撥榆叱撥紫騮叱撥
馬左足白曰馬鼻驪白雜毛曰預所謂烏驄也赤馬黃
鬣曰騏驎黃馬黑喙曰騮驪驪馬白跨曰曰驕黃白
曰皇純黑曰驪黃騂曰黃倉白雜毛曰騅黃白雜毛
曰駮赤黃曰騂青黑曰騏青驪騂曰驛連錢驄也白
馬黑鬣曰駱赤身黑鬣曰駮黑身白鬣曰雜陰白雜
毛曰駮陰淺黑色今泥驄也彤白雜毛曰駮豪駮曰
驪毫在骭而白也二目白曰魚似魚目也青驪曰駮

今鐵驄也

春申君客躡珠履秦始皇有望僊鞋漢有伏虎頭履
繡鴛鴦履東晉有鳳頭履聚雲履五朶履南宋有重
臺履梁有笏頭履分梢履立鳳履五色雲霞履

豹
豸水食蛟龍陸食虎豹駁馬食虎豹鼯犬亦飛食虎

五芝有石芝有木芝有草芝有肉芝有菌芝石芝赤
者如珊瑚白者如肪黑者如漆青如翠羽黃如紫金
皆光明洞徹晦夜能照又有玉脂芝七明九光芝石

蜜芝石桂芝石硫黃芝木芝有威喜芝飛節芝樊桃

芝參成芝木渠芝建木芝木華芝黃蘗檀桓芝草芝

有獨搖芝無風自動牛角芝龍僊芝麻母芝白符芝朱草

芝五德芝龍銜芝肉芝則萬歲蟾蜍千歲蝙蝠千歲

靈龜風生獸千歲鷲之類菌芝狀如宮室或車馬或

龍虎或人形或飛鳥五色無常已上五芝服之皆令

人長生然則大觀政和間王欽若丁謂蔡京輩所進

皆鬼目之類耳

史記載宰我為齊相作亂夷其宗後人以為闕止之

誤韓非子難言篇宰予不免於田常則在其時已記之矣又云宓子賤西門豹不鬪而死人手則二君亦不良死淮南子齊簡公專任大臣宰相故使田常鴟夷子夷得成其難使呂氏絕祀而陳氏有國太史公稱范蠡至齊變姓名爲鴟夷子皮齊人聞其賢以爲相范蠡謂久受尊名不祥乃歸其相印散千金而去之陶然則范蠡相齊之後又爲田常謀事成乃去耳○諺有城門失火殃及池魚詩有舊時王謝堂前燕飛入尋常百姓家其事甚明而附會其說者至以池

魚爲姓名以王謝爲商誤游烏衣國又孔子謂公冶長在縲紲之中而小說謂公冶長識鳥語爲鳥所誤至沈佺期引之入詩曰不知黃雀語能免冶長災皆可笑也

李密爲祖母陳情解官而後以遷遲怨望獲罪方望諫隗囂稱王而後立劉林以死李迥秀爲母出忤婦而晚爲張阿臧私夫劉殷孝子而以二女奉劉聰至太保臧質之守盱眙臧耿恭孔覲之清節何如羊續而卒以從逆誅人固不可以本末論也

女子有官位者女列侯陰安侯高祖丘嫂鳴雌亭侯
許負漢高帝封臨光侯呂嬃高后封鄼侯蕭何子嗣
侯祿薨高后封何夫人為鄼侯女侍中後魏元義妻
胡氏北齊高岳母山氏女尚書魏明帝選知書女子
為之女學士唐德宗朝貝州宋氏五女若莘若昭若
華若倫若憲陳後主時宮人袁大捨等女博士宋孝
武朝韓蘭英女將軍晉王廞起兵顧深母孔氏年百
餘以為軍司馬廞復以已女為正烈將軍唐行營節
度許叔冀以衛州女子侯滑州女子唐青州女子王

歆血赴義奏授為果毅女子司綸紵者上官婕妤司
史事者曹大家主兵者平陽公主洗夫人女子詐為
男子而有官位者齊揚州議曹錄事婁逞唐昭義軍
兵馬使國子祭酒石氏朔方兵馬使御史大夫孟氏
蜀司戶參軍黃崇嘏楊升菴詩話又有女校書薛濤
女進士林妙玉此稱謂之詞耳非真也

祖孫同名者魏大將安同父名屈子亦名屈父子同
名者隋處士羅靖父亦名靖

宋曾丞相布以卯年卯月卯日卯時卒韓丞相絳以

辰年辰月辰日辰時生韓發解南省殿試皆第三以
熙寧三年三月三日卒人尤異之金有田轉運特秀
者所居里名半十行第五以五月五日生小名五兒
年二十五應鄉府省殿四試俱第五名年五十五以
八月十五日卒造物之巧如此

天子爲臣下作碑者唐太宗爲魏徵高宗爲李勣玄
宗爲張說德宗爲段秀實宋太宗爲趙普仁宗爲李
用和神宗爲韓琦 國朝 太祖爲徐中山達 太
宗爲姚恭靖廣孝孝宗爲張昌公巒而已

郭汾陽與馮道雖人絕董猶然郭以尚父太尉中書
令汾陽王馮以太師中書令瀛王終俱八十餘又有
女俱配龍王亦大奇人有題馮女廟者曰身既事十
主女亦配九龍可供一笑

偶見有辭上柱國者以爲人臣無上不知此官在隋
爲從一品階官在唐則爲四品以上階官不足道也
古今官名有非人臣所宜稱者宰衡安漢公 王莽天

枉大將軍

爾朱榮後加爾
朱兆高歡皆辭

太上秦公

胡國珍

天策上將

秦王世民

宇宙大將軍都督六合諸軍事

侯景

天師太師

范長太公望郭子儀李尚父輔國王行瑜錢鏐回天再造功臣朱全忠皇

天之下一人之上元帝安國相王睿宗鎮國大長公

主太平

父子一時同在公位者漢霍光子禹晉司馬孚子望

司馬道子子元顯魏元悅子義高歡子澄北齊斛律

金子光宋蔡京子攸秦檜子熺元馬札兒台子脫脫

增補藝苑卮言卷之十三

增補藝苑卮言卷之十四

吳郡王世貞元美著

新安程榮仲仁梓

古今事有絕相類者今記之以供撫掌之資如瘦沈

語前有約後有昭略寄怨詩妻之竇前有玄後有滔

望車塵之潘前有黨後有岳募俠客刺韓相之嚴前

有仲子後有遂疑即一人致冰鱗之王前有祥後有延弔

客驢鳴之王前有粲後有濟射石之李前有廣後有

遠又獻胙加毒以讒賜死人知有晉獻公子申生而

不知有秦孝文王子西蜀侯惲沈江負父屍人知有
孝女曹娥而不知有趙社女絡掘地得石槨人知有
滕公而不知有衛靈飛廉看竹不問主人知有王徽
之而不知有袁粲獲倫侍兒人試文不殺因以賜之
人知有楊素之於季伯藥而不知有蔡興宗之於孫
敬王乳生潼人知有元德秀而不知有李善綵衣娛
戲人知有老萊而不知有伯瑜知囊人知有晁錯而
不知有樗里子魯匡佩六印人知有蘇秦而不知有
栾大以石爲虎射之沒羽人知有李廣李達而不知

有熊渠子倒用印人知有段秀實而不知有李崧夢

筆人知有江淹而不知有王珣紀少瑜李嶠李白能

使人主前席人知有賈誼而不知有商鞅蘇綽御屏

隔座人知有漢鄭弘第五倫而不知有吳紀亮紀隲

杯中蛇影人知有樂廣而不知有南皮令應柳

樂弓應弩

萬石君人知有石奮而不知有秦襲張文瓘留犢事

人知有時苗而不知有羊扁食脫粟人知有公孫弘

而不知有晏嬰錢神論人知有魯褒而不知有胡毋

民成公綏陳蕃下榻人知有徐穉而不知有周璆雪

中高卧人知有袁安而不知有胡定嘏酒救火人知有欒巴而不知有樊英邵信臣郭憲佛圖澄成武丁羊車遊後宮鹽水洒地人知有晉武而不知有宋文下第獻燕詩座主以明年登第人知有章孝標而不知有于化成刻石高山深谷人知有杜預而不知有顏真卿賜行酒炙人知有顧榮而不知有何遜陰鏐錦纜事人知有隋煬而不知有甘寧還帶陰德至相位人知有裴中令而不知有白中令發塚類遠祖貌人知有蕭穎士之於鄱陽王而不知有吳綱之於長

沙王因食辨勞薪人知有荀勗而不知有師曠强索妾人知有孫秀武承嗣而不知有阮佃夫告靈不仕人知有王羲之而不知有何偃通它心觀人知有忠國師之於大耳三藏而不知有曾寂之於柳中庸奕棋覆局人知有王粲而不知到溉製千字文人知有周興嗣而不知有蕭子範贈柳妾人知有韓翃而不知有李還古誤食澡豆人知有王敦而不知有陸暢殞逆旅書生人知有王忱而不知有鮑子都廖有方殺負心僕人知有張詠而不知有柳開金蓮歸院人

知有蘇軾而不知有王珪介子推題壁作龍蛇歌舟之僑亦作龍蛇歌張崇還鎮率將鬚錢趙在禮亦率拔釘錢

偶一時人賦詩有陸通姓名人不曉所謂余謂此楚狂接輿也見莊子疏然詩入接輿則雅入陸通則俗此不可不知也按何氏餘冬序錄考姓名頗詳然亦有未備者因增記於此蒼頡姓侯剛氏見古篆文註許由字仲武見莊子釋文臯陶字庭堅孤竹君姓墨名台見孔叢子註伯夷名允一名元字公信叔齊名

智字公達見論語疏中子名伯遼見雲臺詠史詩當

作仲遼彭祖姓錢音名鏗見論語疏箕子名餘胥見

莊子司馬彪註管叔名度見史記註易牙名亞見孔

穎達疏逢蒙之弟名鴻超楊朱之弟名布見列子伯

樂姓孫名陽師曠字子野見莊子疏公孫弘字次卿

見鄒長倩書子產一名美見左傳註孟軻字子輿見

漢書註并孔叢子莊周字子休見列子註孫叔敖名

饒見碑記然一名研一名倪字子文見史記索隱杜

康字仲寧見短歌行註鬼谷子姓王名詡見續僊傳

陳仲子字子終見皇甫謐高士傳漢高祖父太公名
耑見後漢書註又名煜字執嘉見皇甫謐帝皇世紀
高祖兄仲名喜曹參字敬伯申公名培見史記註項
伯名纏字伯見漢書註叔孫通名何見楚漢春秋東
園公姓轅名秉字宣明夏黃公姓崔名廓字少通綺
里季姓朱名暉字文季角里先生姓周名述字元道
並高士傳壺關三老茂姓令狐見荀悅漢紀楊王孫
名貴見西京雜記次非亦名荆軻見續博物志伏生
名勝字子賤見西漢碑文翁名黨字仲翁見張崇文

歷代小誌揚子雲所稱李士元者名弘見蜀秦宓傳
鄭子真名樸嚴君平名遵見王貢兩龔傳註張宗字
諸公見陳忠傳註施延字君子見後漢書註田生字
子春見楚漢春秋河伯姓馮名夷字公子見聖賢塚
墓記秦宗新祠頌又姓呂名公子夫人姓馮名夷見
龍魚河圖衛夫人名鑠字茂漪見翰墨志佛圖澄姓
濕見邢州寺碑道安姓帛見高僧傳介子推姓王名
光范蠡字少伯毛女字玉姜見神僊傳元始天尊姓
樂名靜信見度人經阿彌陀佛姓憍尸迦見陀羅尼

集毗婆尸佛尸弃佛毗舍浮佛俱姓拘若利拘留孫
佛拘那含牟尼佛迦葉佛俱姓迦葉俱見長阿含經
釋迦牟尼佛姓刹利見曾耀經又云瞿曇氏見釋迦
方誌一祖達磨姓刹利帝本名菩提多羅二祖慧可
姓盧名神光四祖慧可姓司馬五祖弘忍姓周六祖
慧能姓盧俱見傳燈錄壺公名施存孔子弟子見真
誥王門子姓王名剛九靈子姓皇名化北極子姓陰
名恒絕洞子姓李名脩太陽子姓離名明太陽女姓
朱名翼太陰女姓盧名全太玄女姓顓名和南極子

姓柳名融黃盧子姓葛名起馬明生姓和名君賢張
道陵名輔劉根字君安尹軌字公度介象字元則見
葛洪神仙傳弓神名曲張見龍魚河圖箭神名續長
弩神名遠望見太公兵法廁鬼名頊又名郭登井鬼
名瓊衣服鬼名甚遼竈神名隗又姓張名卓字子郭
東王公名倪字君明西王母名揚名回天翁姓張名
刺渴見酉陽雜俎船神名馮耳見梁簡文記
日姓張名表字長史日中青帝名圓常元字照龍韜
赤帝名丹靈峙字綠虹映白帝名皓鬱將字迴金霞

黑帝名澄澗字玄綠炎黃帝名壽逸阜字颯暉像
月姓文名申字子光月中青帝夫人名娥隱珠字芬
艷嬰赤帝夫人名翳逸寥字婉延虛白帝夫人名美
素蘭字鬱蓮華黑帝夫人名結蓮翹字淳屬金黃帝
夫人名青營襟字炁定容東嶽姓玄丘名目陸南嶽
姓爛名洋光西嶽姓浩岳名元倉北嶽姓伏名通明
中嶽姓角名普生東海姓閔名內靈西海姓導名洞
清北海姓喻名淵元又東海姓何名歸君南海姓劉
名躡君西海姓劉名漱君北海姓吳名禽強君歲星

姓碧空名澄瀾字清凝夫人姓涵常名寶容字飛雲
熒惑星姓渙空名維淳字散融夫人姓陽常名華瓶
字玄羅太白星姓寥靈名振尋夫人姓明常名颯英
字靈思辰星姓肇咍名精源夫人姓淵常名玄華字
龍娥鎮星姓藏睦名耽延夫人姓康常名空瑤字非
賢雷公江赫冲電母秀文英風伯方道彰雨師陳華
夫俱見道經

第六卷中所載文章之士列仙籍者似尚未盡按孔
子爲太極上真公治九嶷山顏回爲明晨侍郎後爲

三天司直張衡楊子雲爲北方鬼帝治羅酆山周公
爲北帝師莊周爲太玄博士嵇康爲中央鬼帝治抱
犢山屈原爲海伯統八海王弼爲丘豎嚴君平尚在
峨眉山鬼谷子爲太玄師治青城山郭景純爲都錄
司命治雲臺山周顛爲鬼官司命季札爲北明公賈
誼爲西明都禁郎以治馬融事不當謫遷太山司馬
郝鑿爲南門亭長臧洪爲北斗天門亭長紀瞻爲北
天脩門郎與虞譚更直守天門顧和爲執蓋郎温太
真爲監海伯杜預爲長史何晏殷浩俱侍帝晨庾亮

爲北太帝前中衛大將軍孔融爲後中衛大將軍陶
侃爲西河侯蔡謨爲長史荀彧爲北明公賓友謝幼
輿爲左付監

十方三世所有一切世界皆悉具四種相劫謂成住
壞空成而卽住住而續壞壞而復空空而又成連環
無端都將成住壞空八十轉轡結筭一十三萬四千
四百萬年爲始終之極數所謂一大劫也一日月周
行四天下光明所照是爲一世界如是千世界中有
千日月千須彌山王四千天下四大海四千惡道

千閻羅王千四天王千忉利天至千梵天是爲小千
世界尔所小千千世界是爲中千世界尔所中千千
世界是爲三千大千世界如是世界周匝成壞衆生
所居名一佛刹

王荆公誤解三昧爲僧所笑世多有引梵語入詩而
不當今聊摘其切於用者記之南無此云歸命信順
也佛覺也菩提亦覺也菩薩卽菩提薩埵覺衆生也
阿羅漢總音殺煩惱賊遠離諸惡堪總供養更不受
三界生也釋迦能仁也牟尼寂默也彌勒慈氏也維

摩詰淨名也婆羅門梵志也辟支獨覺也苾芻香草
以喻僧也比丘乞士也上乞法下乞食也波羅密彼
岍也多到也禪那靜慮也般若慧也三昧正定也又
等持也奢摩它止息也瑜伽相應也阿耨多羅無上
也三藐正也般涅槃般會也涅槃出也槃煩惱也宰堵
波塔也荼毘亦云闍維焚燒也僧伽藍衆園也娑婆
堪忍也懺悔懺謂懺摩請忍也羯磨作法辦事也曼
陀羅花雜色花也蒼蔔花黃色花也優鉢羅花黃白
色花也阿僧祇無數也

四果預流卽須陀洹爲初果一來卽斯陀含爲二果不來卽阿那含爲三果無生卽阿羅漢爲四果自此以上獨覺菩提爲辟支佛自覺覺他爲一切菩薩摩訶薩行因果圓滿爲諸佛無上正等菩提

佛經如觀音大勢至文殊普賢皆久已造佛境而不肯成佛普賢則廣大脩習圓滿未退名未息願文殊則深入善權廣化衆生故未取道觀世音於阿彌陀佛滅後成等正覺號普光功德山王如來彼佛國土曰衆寶善集莊嚴大勢至繼觀音成佛號善住功德

寶王如來至文殊爲七佛導師又云過去無鞅數佛皆其弟子成佛之時以恒沙諸佛世界爲一佛刹其佛刹裝嚴比阿彌陀佛猶大海水比一滴水則諸佛功德未有如文殊者也

釋迦於諸弟子授記後當成佛至云彌勒發意先我之前四十二劫我於其後乃發道意於此賢劫以大精進超越九劫得於無上正真之道則授記先後又有不可定者釋迦雖先成佛於五濁惡世人壽百歲時彌勒成佛當人壽八萬歲時初會度人九十六億

第二會九十四億第三會九十二億爾後度人無數
蓋佛無高下功德有大小緣與願力所成耳

釋氏謂太昊卽應聲大士孔子卽儒童菩薩顏子卽
光淨菩薩老子卽摩訶迦葉道家謂尹喜為釋迦佛
老子遣化蓋其徒相傾之談耳

靈寶經陽九百六劫之大者也陽極於九故云陽九
陰極於六故云百六卽陰六也小則三千三百年次
則九千九百年大則九九八十一萬年為劫終也又
洞玄運會經天厄謂之陽九地虧謂之百六道跡經

淵
言陽九者天旱海涌而陸焦百六者大水海陸而陵

老子在天皇時為通玄天師地皇時為有古先生人
皇時為盤古先生伏羲時為鬱華子神農時為大成
子祝融時為廣壽子黃帝時為廣成子帝嚳時為錄
圖子帝堯時為務成子帝舜時為尹壽子夏禹時為
真行子商湯時為錫則子後以商王湯甲十八年降
胎至武丁九年在周西伯時為藏史號爨邑子武
王時為柱下史號育成子成王時為經成子康王時

爲郭叔子西出關自流沙還授禮於孔子在天以至
晨大道君爲師在人間以常樅爲師老子生登行九
步步生蓮花左手指天右手指地曰天上天下唯道
爲尊釋迦生時登行七步一手指天一手指地曰天
上地下唯我爲尊不應相同如此

老子一名李耳字伯陽二名雅字伯宗三名忠字伯
光四名石字孟公五名重字子文六名定字元陽七
名元字伯始八名顯字元生九名德字伯文老子身
九變有七十二相八十一好七十二相者頭圓爲天

伏晨蟠起玉枕穿窿皓髮如鶴長七尺餘眉有北斗
其色翠綠其間紫毛長五寸餘虎髭龍髯素潔如絲
耳無輪郭中有三漏高平於頂厚而且堅兩目日光
方瞳綠筋鼻有雙柱形如截筒口方如海唇赤如丹
氣有紫色其香如蘭齒如編貝其堅如銀數有六八
上下均平舌長且廣形如錦文玉泉充盈其味甘香
每發妙言聲如金玉顴高而起頤方若矩日角月淵
金容玉姿龍顏肅肅鳳視閑閑額有兌象參午上達
天庭平坦金匱充盈腹有白痣頤有玉丸項有三約

鶴素昂昂垂臂過膝手握十文其指纖長爪有玉甲
身有綠毛胸有偃骨背有河魁臍深寸餘腹軟如綿
心有錢文腹有玄痣眼有輪文足蹈二巳指有乾坤
身長丈二徧體芳香面方而澤上下三停身如金剛
貌若琉璃行如虎步動若龍趨此其相也左扶青龍
右據白虎前導朱雀後從玄武頭蔭紫文足履蓮花
頂負兩景五明曜日身有圓象洞照九天兼前仙相
光色奇妍總八十一謂之好也見法輪經老子史略
○每讀楞嚴經云貪明爲罪遇精爲形名魍魎鬼和

銷報盡生於世間多爲應類酖足爲人叅合文類貪
成爲罪遇明爲形名役使鬼明滅報盡生於世間多
爲休徵酖足爲人叅合明類不免一自哂

般若經如來三十二相足下有平滿相猶如奩底地
雖高下隨足所蹈坦然等觸第一足下千輻輪文輞
轂衆相無不圓滿第二手足並皆柔軟如兜羅綿第
三兩足一一指間猶如鴈王鞵網交絡文同綺畫第
四手足諸指圓滿纖長可愛第五足跟廣長圓滿與
趺相稱第六足趺脩高光滿與跟相稱第七雙腩漸

次纖圓如鹿王膺第八雙臂平立摩膝如象王鼻第九陰相勢鋒藏密猶龍馬第十毛孔各一毛生紺青宛轉第十一髮毛端皆上靡右旋宛轉第十二身皮細薄滑潤垢水不住第十三身皮金色晃耀諸寶莊嚴第十四兩足兩掌中頸雙肩七處充滿第十五肩項圓滿殊妙第十六膊腋悉皆充實第十七容儀洪滿端直第十八身相脩廣端巖第十九體相量等圓滿如諾瞿陀第二十額臆并身上半威容廣大如師子王第二十一常光面各一尋二十二齒相四十齊

平淨蜜根深白逾珂雪二十三牙鮮白鋒利二十四常得味中上味二十五舌相薄淨廣長能覆面輪至耳髮際二十六梵音詞韻和雅隨衆多少無不等問二十七眼睫猶若牛王紺青齊整二十八眼睛紺青鮮白紅環間節皎潔分明二十九面輪猶滿月眉相皎淨如天帝弓第三十眉間有白豪相柔輭如絲白逾珂雪三十一頂上烏瑟膩沙高顯 圓猶如天蓋三十二

人鳥山經云佛經稱須彌山卽人鳥山又名玄圃山

或名大地金根山本無妙玄山元氣寶洞山神玄七
轉觀天山綦布三百六十億萬里自然七寶宮殿爲
元始天尊治按佛經稱須彌山頂爲帝釋天所居山
頂四面峰挺出各高七百由旬金銀琉璃玻璃真珠
車渠瑪瑙之所莊校然其上復有諸天道經所稱人
見山在諸天最尊處似不同也

須彌山半四萬二千由旬有四天王天須彌山頂爲
帝釋天上一倍爲夜摩天上爲兜率陀天化樂天他
化自在天梵衆天梵輔天大梵天少光天無量光天

光音天少淨天無量淨天徧淨天福生天福受天廣
果天無想天無煩天無熱天善見天善現天色究竟
天無邊空處天無邊識處天無所有處天非想非非
想處天凡二十八天四天下又有日月星宿天常
憍天持鬘天堅首天凡三十二種所謂三十三天者
卽帝釋天宮也見因本經與阿含經又不盡同
須彌山東天下名東弗于人壽三百西名西瞿耶尼
人壽三百南名南閻浮提人壽百歲北名北鬱單人
壽十歲長倍三天下人間浮提今中國四夷皆是也

藝苑卮言 卷之十四 十五
中國稱震旦又稱人國則自天竺名爲閻浮提之一也

按道家稱元始天尊居玉清清微天靈寶道君元始弟子居上清禹餘天太上老君爲元始系子靈寶弟居太清大赤天卽化身爲老子者也陶虛白真靈位業圖則謂玉清三元宮上第一中位元始天尊第二中位玉晨元皇大道君第三中位太極金闕帝君姓李下註壬辰下教太平主第四中位太清太上老君不知所謂老子者金闕帝君乎抑太上老君乎葛洪

元始上真衆仙記則謂元始天王在玉京山經二劫下遇太元聖母經一劫一施生天皇十三頭東王公曰元陽父又生西王母後復生地皇十一頭人皇九頭雷霆玉經則言浮黎元始天尊玉清神母元君生長子爲玉清元始天尊第九子爲高上神霄玉清真王長生大帝上清三尊譜錄則云第一度師上玄真明道君卽元始上皇丈人法姓璽法諱齋法字堯正音姓無名延世音字觀无觀第二度師无上玄老卽高上九天太上真王法姓璽法諱柔法字烝正音姓

藝苑卮言 卷之十四
虛無名上觀洞字運梵靈第三度師卽金明七真法
姓奎法諱燾法字燾正音姓虛玄妙名延世明字係
上無一在上清金相宮一在上清金蘭宮一在上清
丹靈上宮不知所謂第二第三者卽靈寶太上否大
有金書復稱天寶君爲大洞尊神號玉清宮靈寶君
爲洞玄尊神號上清宮神寶君爲洞神尊神號太清
宮此則三清之別號也

玉皇上帝初劫爲光嚴妙樂國淨德王太子捨位脩
道八百劫捨位復行忍辱三千二百劫始證金仙爲

清淨自然覺王如來又經億劫始證玉帝位見本行
經

太黃皇曾天大明王完天清明何童天玄胎平育天
元明文舉天七曜摩夷天名六天欲界壽萬歲虛無
越衡天太極濛翳天赤明和陽天玄明恭華天曜明
宗飄天竺落皇笳天虛明堂曜天觀明端靖天玄明
恭慶天太煥極瑤天元載孔昇天太安皇崖天顯定
極風天始皇孝芒天太皇翁重天無思江由天上揲
阮樂天無極曇誓天名十八天色界積億歲皓庭霄

度天淵通元洞天翰寵妙成天秀樂禁上天右四天
無色界積年萬劫無上常融天王隆騰勝天龍變梵
度天名四梵天壽命無有大期爲三十二天合清微
天禹餘天大赤天及無上大羅天爲三十六天見靈
寶本元經

第一無景無色鬱單無量天第二無形清微天第三
無精波羅摩禪天第四入色水無量億羅天第五無
極洞清上上禪善無量壽天第六玄微自然上虛禹
餘天第七玄清上炁那首約淨天第八梵行上清炁

稽那遏淨天第九無窮洞虛極上須延天第十玄梵
王虛無精無羅迦淨明天第十一無玄元達上靈赤
天第十二大梵元炁離和天第十三無極上虛王空
玄洞寂然天第十四梵無色上真炁潘羅玄妙天第
十五飛梵行真上玄岑謾福德天第十六雲梵流精
中元近懃際淳天第十七玄上洞極無崖不驕樂天
第十八大梵玄天元精荅愨近際天第十九行梵紫
虛上元首帶快見天第二十虛梵上清化靈須陀結
愛天第二十一上極無景洞微化應聲天第二十二

大梵九玄中元阿給道德天第二十三行梵元清下
靈炁須遠天第二十四極梵洞微九靈炁須帶阿那
天第二十五無名至極洞微梵寶天第二十六微梵
玄天炁帶扇給道德天第二十七虛梵天炁蟬然識
慧天第二十八空梵中天續元伊檀天第二十九太
極無崖紫虛洞幽梵迦摩夷天第三十綠梵自然識
慧入天第三十一玄梵大行無景無所念慧天第三
十二雲梵上行維先阿檀天第三十三無色玄清洞
微波黎荅想天第三十四洞微玄上梵炁阿竭含那

天第三十五玄上綠梵滅然天第三十六極色上行
梵泥維先若那天見 經按琅函所載又各不同

○東方極豪林之墟名呵羅提國人壽四百歲南方
極洞陽之野其國人壽三百六十歲西方極浩素之
壟其國人壽六百歲北方極朔陰之庭名旬羅之國
人壽三百歲上方上清陽灰空之內其國人高上王
皇萬聖帝真惟劫爲年直下極大風澤名寶真無量
國人壽一千二百歲見放品經

龍漢之後天地破壞逮至赤明開光天地復位一劫

周又復破壞逮至開皇天地復位出洞玄靈書又五劫龍漢爲木劫赤明爲火劫延康爲土劫開皇爲金劫上皇爲水劫一起一伏周而復始見猶龍傳識者非之以爲漢武帝時始建有年號何得於窮劫之前預有之乎

九天上第一天名鬱單無量天人壽九百萬歲歲如世間五百歲第二天名上上禪善無量壽天人壽三千六百萬歲歲如世間一千歲第三天名梵監天人壽一億五千二百萬歲歲如世間二千歲第四天名

兜術天人壽六億八百萬歲歲如世間四千歲第五天名不驕樂天人壽二十三億四千萬歲歲如世間八千歲第六天名化應聲天人壽九十二萬億一千六百萬歲歲如世間六千歲第七天名梵寶天人壽七劫歲如世間五千歲第八天名梵摩迦夷天人壽二劫歲如世間千五百歲第九天名波梨荅怒天人壽四劫歲如世間二千五百歲其一天俱別置三天合三十六天見太霄琅書

四天王天壽五百歲以人間五十歲爲一日忉利天

壽千歲以人間百歲爲一日
讖摩天壽二千歲以人間二百歲爲一日
兜率天壽四千歲以人間四百歲爲一日
他化自在天壽一萬六千歲以人間一千六百歲爲一日
魔身天壽三萬二千歲以人間三千二百歲爲一日
梵迦三天壽一劫光音二天壽二劫遍淨三天壽三劫果實三天壽四劫無想天壽五百劫無造天壽千劫無熱天壽二千劫善見天壽三千劫大善天壽四千劫色究竟天壽五千劫空處天壽一萬劫識處

天壽二萬一千劫不用處天壽四萬二千劫有想無想天壽八萬四千劫見阿含經按佛道二經雖不同大抵言天壽噫壽則壽矣亦終有盡也

玄都玉京山前爲元京山
峨眉山右爲廣霞山
左爲紅暎山
紫空山五間山皆在玉清上大羅下又三秀山在玉京前
金華山寒童靈山秀華山俱在玉京右
三寶山飛霞山在玉京後
浮絕空山在太清中皆真氣所化
上有宮闕
東嶽廣桑山在東海中
南嶽長离山在南海中
西嶽

麗農山在西海中北嶽廣野山在北海中中嶽崑崙
 山在九海中為天地心此大五嶽也方壺山在北海
 扶桑山蓬萊山沃焦山在東海連石山在東南鍾山
 在北海方丈山員嶠山岱輿山俱在大海中豐都山
 在九壘之下玄洲在北海中瀛洲穆洲祖洲俱在東
 海中鳳麟洲聚窟洲生洲俱在西海中炎洲在南海
 中又元洲長洲俱在大海中滄海島在大海中高五
 萬里皆神仙所居五帝所理中國五嶽東嶽泰山羅
 浮括蒼為佐命蒙山東山為佐理南嶽衡山霍山潛

山為儲副天台句曲為佐理中嶽嵩山少室武當為
 佐命太和陸渾為佐理西嶽華山地肺女兒為佐命
 西城青城峨眉嶓冢西玄戎山吳山為佐理北嶽恒
 山河逢抱犢為佐命玄隴崆峒陽洛為佐理又三佐
 命山青城山天柱山廬山又有十大洞天則王屋委
 羽西城西玄青城赤城羅浮句曲林屋括蒼三十六
 洞天則霍林蓬玄朱陵總真總玄司真虛陵太妙洞
 虛詠真丹山赤水極玄陽明德玄天寶極玄好生上
 元天柱司玄昇真化玄貴玄司真容城太玉大秀法

樂長耀寶光太上寶玄秀樂長真王闕寶圭湘真太
 虛洞陽隱觀玄真太元大酉華妙金庭崇妙丹霞仙
 都祈仙青田大鶴大滌玄蓋朱湖太生良常方會白
 馬玄光金華洞光紫玄洞盟皆有真仙主之七十二
 福地則地肺仙源玉瑠青嶼崆峒郁木坑武當君山
 桂源靈墟沃洲天姥岑若耶溪巫山清遠東白安山
 馬嶺鵝羊洞真壇洞宮玉清壇靈源陶山爛柯龍虎
 勒溪靈應白水源金精閣皂始豐逍遙東白源鉢池
 論山毛公壇九華桐栢平都綠羅章觀抱犢大面虎

溪元晨德山鷄籠玉峯

在藍田

商谷張公洞長白中條

霍山雲山四明

在梨州

緱氏臨邛少室翠微大隱白鹿

天柱大若巖嶧山西白天印金城三皇井沃壤三十

六靖廬綿竹紫蓋瀘水丹陵守玄靈淨送仙契靜凌

虛鳳凰子真玄性契玄啓玄出谷君平斗山光天眼

德尋玄得一啟靈宗華朝真黃堂迎真招隱紫虛啟

聖啓靈鳳臺東華祈仙元陽東蒙貞陽右皆有仙真

脩煉之跡按記事者可謂詳悉矣然滇詔之地碧鷄

金馬蒼山洱水勝甲天下又自廣而西山皆聳秀黛

碧洞多深窈宏靚寧無仙真總理蓋記者當其時中國版圖未備無所攷證耳四海之外九天之表乃能懸立五嶽羣山之名耶

增補藝苑卮言卷之十五

吳郡王世貞元美著

新安程榮仲仁校

冬至初陽雲出箕如樹立春少陽雲出房如積水春分正陽雲出軫如白鵠穀雨太陽雲出張如車蓋立夏初陰雲出觜如赤珠夏至少陰雲出參如水波寒露正陰雲出井如冠纓霜降太陰雲出鬼上如羊下如蟠石見易通卦驗

立春條風春分明庶風夏至景風立秋涼風秋分閭

闔風立冬不周風冬至廣莫風見易緯初春至夏五日曰花信風梅花風先棟花風後凡二十四番見歲時記六月黃雀風見風土記九月鯉魚風見提要錄三月鳥信風五月麥信風見國史補又雄雌風見宋玉賦離合風見陸機要覽上行曰扶搖風曲上曰羊角風見莊子梅雨後涼風一月曰舶棹風海大風曰颶母風發時先緩後急曰鍊風見嶺南錄清明大月支八月風曰葡萄風見金樓子杏花雨見提要錄又桃花雨河朔謂之潑火雨三月榆莢雨見汜勝之書

三月三日留客雨見陸機要覽五月分龍雨見續博物志七月灑淚雨七月六日洗車雨見歲時雜記九月黃雀雨見提要錄

風神曰孟婆對颶母可也又風母如猿打殺遇風卽活雷公如猪冬月蟄地中掘得之二物皆可食作對甚切其形亦相似也

楊用修記安寧州潮泉一日三溢三蘸連州水下流有斟溪一日十溢十竭貴州城外有漏洑一日百盈百竭應漏刻焉可謂奇聞矣因筆之

莊子云得水土之際則為蠹蟻之衣生於陵屯則為

陵鳥一名車前一名擊鳥陵鳥得鬱栖虫名則為鳥足草名鳥足之

根為蠪螬其葉為蝴蝶蝴蝶化而為鵲掇虫名鵲掇干

日為乾餘骨鳥名乾餘骨之沫為斯彌虫名斯彌為食醢

酒上蠪螬虫名願輅虫名生乎食醢黃軛虫名生乎九猷老瞽丙虫名

生乎腐蠃亦虫名爾雅云一名守瓜一名忿鼠羊奚草名化乎不筭又竹

生青寧虫名青寧生程程生馬馬生人未詳列子又有

羊肝化為地臯馬血為轉隣皆燐鬼火也人血為野鷄為

鸛鸛為布穀布穀又復為鷦燕為鴿田鼠為鶉朽爪

為魚老韭為莧老踰為猿魚卵為蟲蠶爰之獸自孕

而生曰類河澤之鳥視而生曰鷦純雌其名大罾純

雄其名穉蜂餘同莊子

黃魚化為鸚鵡泡魚大者如斗身有刺化為豪豬沙

魚之班者化為虎見倦游雜記

有情化無情婦人化石山蛭化百合無情化有情腐

草化螢陳麥化蝶

鯨化黃熊望帝化杜鵑褒君化龍牛哀化虎黃母化

龜徐伯化魚其他不可勝記

雨水暴下蟲蛇變化化爲魚鱉歲月推移氣變物類
蝦蟇爲鶉雀爲蜃蛤蠶食桑老績而爲蠶蠶又化而
爲蛾蠨蛸化爲復育復育轉而爲蟬

志稱婁縣石首魚化爲鳥羅州魚化爲鹿石首小者
一名踏水一名春來吾婁人今不聞化二名亦不聞
奚仲造輅車見李充銘

黃帝作指南車又作華蓋太公作曲蓋殷高宗作雉
尾扇俱見崔豹古今注指南車沈約宋書云周公所
作

記里鼓車沈約宋書不著作者劉宋高祖平姚泓所
得行每一里木人擊鼓一椎按劉子厚有記里鼓詩
秦文公作旄頭飾騎見列異傳玄中記云秦始皇作
黃帝作旗幟見列子

黃帝作旃又作冕魯昭公作弁俱見世本

黃帝作几見李充銘

舜作五明扇見古今註

興作甲興少康子也見世本

蚩尤作戈戟安矛見李氏春秋又作劍及鎧見管子

鑿齒作楯見山海經

揮於作弓夷牟作矢俱黃帝臣也見世本荀卿子云
僂作弓浮游作矢山海經云少皞生股是始弓矢黃
帝作弩見古史考

絲作城郭禹作宮室俱見世本

神農作市見古文

伶倫作權度量胡曹作衣裳俱見呂氏春秋

太公作九府錢見漢書

神農作耒耜見古史世本云僂作

皇甫陰作樓及犂見魏略

夙沙氏作鹽見世本

儀狄作酒見呂氏春秋又戰國策云帝女儀狄造酒
絲服牛相士乘馬臘作駕三人皆帝堯臣也見世本
又宋衷云韓衷侯作御

蒼頡造字黃帝史也見世本

舜造筆見博物志又云蒙恬造

蔡倫造紙見東觀雜記

堯作圍棋烏曹作博見世本

齊武陵王曄作側楸碁局見馮鑑續事始

老子入胡作樗蒲黃帝作蹴鞠見博物志

劉向作彈碁見西京雜記

曹植作長行局卽雙陸也胡王作握槊亦雙陸也俱

見後魏李邵序

漢武帝作藏鈎見辛氏三秦記

晉摯衛尉作四維戲紙局木棋見李秀賦

周武帝作象戲見後周書

紂作粉見博物志

尹壽作鏡見玄中記

帝俊八子作歌舞見山海經又孟頰帝王統錄云陰

康氏作舞呂氏春秋云是陶唐氏作

岐伯作鼓吹見蔡邕初志

神農氏作琴見世本禮記云舜作琴廣雅作伏羲

庖羲作瑟見世本史記云帝使秦女作瑟山海經帝

俊子晏龍爲之

蒙恬作箏見風俗通按禮樂書已有之恐不始恬

武帝始用箏篴見史記續漢記云靈帝作按釋名云

師延作也

帝嚳令抃卜作鼓鞀見呂氏春秋又云倕作鞀及鼓
炎帝伯陵作鐘見山海經

黃帝作清角見國儉賦

女媧氏作簫見禮記風俗通作舜

女媧氏作笙簧隨作竽女媧臣也商辛作埴蘇成公
作箎周平王時諸侯也俱見世本

丘仲作笛漢武時人也見風俗通或云埴箎笛又矣

黃帝作金甌見古史神農作金見周書

孟莊子作鋸鑿見古史

夏少康作箕帚見古本

夏昆吾氏作瓦烏曹氏作磚俱見古史

伯益作井見博物志

公輸般作石磴倕作銚俱世本

蚩尤作冶見尸子

神農作陶見易尸子云昆吾作

雍文作春黃帝臣也見世本呂氏春秋云赤翼作杵
伏羲氏作網見古史世本云勾芒作網及羅伏羲臣

也

詹何作綸鉤及餌見劉子

黃帝作舟楫見易

舜作瓦棺上聖見古史

夏禹作伺鳳卽相竿也見古今註

黃帝作斧鉞見輿服志

黃帝作刀見洞冥記又見二儀實錄

蚩尤作陌刀舜作鞬鹿箭筒輶輶亦見二儀實錄

五兩候風扇也淮南子曰絃兵書曰以鷄羽重八兩

建五重旗羽繫旗巔爲五兩

筮簾船中牀以薦物者也梓柯者繫船筏也郡出此材以得名見華陽國志

髻始自燧人氏以髮相纏而無繫縛女媧氏以竹爲笄赫胥氏以木爲梳堯以銅爲笄舜以牙玳瑁爲梳周文王加珠翠翹花名曰鳳髻又名步搖髻秦始皇有望僊髻參鸞髻凌雲髻漢有迎春髻垂雲髻王母降武帝宮從者有飛僊髻九環髻漢元帝宮中有百合分髻髻同心髻魏武帝宮有反縮髻又梳百花髻

晉惠帝宮有芙蓉髻陳宮有隨雲髻隋文宮有九貞
髻煬帝宮有迎唐八鬟髻又梳翻荷髻坐愁髻唐高
祖宮有半翻髻反縮樂游髻明皇帝宮中雙環均僊
髻迴鵲髻貴妃作愁來髻貞元中有歸順髻又有開
掃粧髻漢梁冀妻作墮馬髻長安城中有盤桓髻驚
鵠髻又作拋家髻及倭髻髻王憲亦作解散髻斜插
簪周弘文少時着錦絞髻二公皆男子亦可咲也
春申君客躡珠履秦始皇有望僊鞋漢有伏虎頭履
繡鴛鴦履東晉有鳳頭履聚雲履五朶履南宋有重

臺履梁有笏頭履分梢履立鳳履五色雲霞履漢履
婦人員頭男子方頭晉太康後婦人皆方頭

舊為屐者齒皆達楠上名曰露卯太元中忽不徹名
曰陰卯

幘古賤人不冠者之服也漢元帝額有壯髮始引幘
服之王莽頂禿又加其屋漢末王公名士多委玉服
以幅巾為雅是以袁紹崔鈞雖為將帥皆著纁巾魏
武惜財擬古皮弁裁纁帛以為帙以色別其貴賤帙
卽帡也未有岐荀文若巾之行觸樹枝成岐因而弗

改巾以葛為之形如帙而橫著之古尊卑共服也
尚書八座三省侍郎白恰低幘出入掖門又二宮直
宦者烏紗帙士人宴居皆著恰矣王丞相白恰練布
單衣江左以後白紗帽遂為人主之服臣下不敢輒
用按五行志服妖傳玄議白恰白乃軍容非國容也
于寶以為縞素凶喪之象南齊書亦云白恰單衣謂
之素服以舉哀臨喪者又初作白恰橫縫其前以別
後名之曰顏末嘉間稍去其縫名無顏恰
帽本纚也古者有冠無幘冠下有纚以繒為之後世

施幘於冠因裁纚為帽末明中蕭湛開博風帽後棗
之製為破後帽末年民間製倚勸帽建武中帽棗覆
頂東昏侯斷之東昏時群小又造四種帽因勢為名
一曰山鵲歸林二曰兔子度坑三曰反縛黃離嘍四
曰鳳凰度三橋皆服妖也吳孫休衣服之制上長下
短積領五六而裳居二上有餘下不足也魏晉武太
始初衣上儉下豐暑著衣者皆厭襖下掩上也元康末
婦人衣出兩襠加乎交領之上內出外也
晉末嘉間婦人束髮其緩彌甚紒之堅不能自立髮

被於額自出而已吳婦盛粧者急束其髮而劇角過
於耳惠帝元康中婦人之飾有五兵佩又以金銀玳
瑁之屬爲斧鉞戈戟以當笄

晉末皆冠小冠而衣裳博大風流相倣輿臺成俗

太元中公王婦女必緩鬢傾髻以爲盛飾用髮旣多
不可恒戴乃先於木及籠上裝之名曰假髻或名假
頭

宋文帝元嘉六年民間婦人結髮者三分髮抽其髮
直向上謂之飛天紒始自東府流被民庶

漢梁冀作平上軒車埤幘狹冠折上巾擁身扇狐尾
單衣妻孫壽作愁眉粧墮馬髻折腰步齟齬咲周弘
正着紅禪錦絞髻踞開善寺門聽經後又着綠絲布
袴繡假種餞劉顯皆所謂服妖也

天寶初貴族及士民好爲胡服胡帽婦人則簪步搖
釵衫袖窄小楊貴妃常以假鬢爲首飾而好服黃裙
近服妖也時人爲之語曰義髻拋河裏黃裙逐水流
○學齋佔俾有云古者有冠而無巾非無巾也蓋巾
止以冕尊壘瓜果之用不加於首也故六經止言冠

下至於虞人亦以皮冠野老亦以黃冠是有簪導方
爲冠也至於罪人方去其冠而加黑幪漢世之冠貴
者則有通天遠遊方山之類武夫則有鷄鷄間居則
有竹皮鹿皮之類皆冠也以簪附之而所謂巾幘稍
稍施於執事賤人之首如庖人綠幘是也至晉人輕
浮方有接離白葛漉酒之巾然起於後漢郭林宗折
角巾矣至於近代反以巾爲禮而戴冠不巾者爲非
禮又朝服幘頭乃後魏狄製及後唐而施長脚同伶
優之賤至於今士夫安之曾莫議其非者以至於履

舄則古有舄有履有屨而無靴故靴字不見於經至
趙武靈王作胡服方變履爲靴而至今服之本朝徽
宗政宣間嘗變靴爲履矣至高宗時務反政宣之失
仍變履爲靴冠履兩事反使今之道流得竊其似至
如上衣下裳各爲長短之制衣纔至膝裳乃裙也今
之祭服是也後魏胡服便於鞍馬遂施裙於衣爲橫
幅而綴於下謂之襪今之公裳是也戎狄之服也數
者學士大夫皆安之而莫革

吾所以備著晉及六朝服飾之異者不惟見其時趣

之異亦欲使善畫者不取譏於有識與鑿畫者之不
爲人所給也

今公侯伯所戴貂蟬冠制按武冠一名大冠一名繁
冠一名建冠一名籠冠卽古惠文冠以其趙惠文所
造也亦云惠者螭也其冠文輕細如蟬翼故名卽今
之籠巾也漢侍中常侍則加金璫附蟬爲飾插以貂
毛黃金爲竿侍中插左常侍插右金取剛強百煉不
耗蟬居高飲清口在腋下貂內競悍而外柔縵蓋真
貂也故曰貂不足狗尾續今則取絲繩屈曲而上有

纓耳今蟬有三等國公玉侯金伯玳瑁

今文臣冠卽古進賢冠也然古前高七寸後高三寸
與今稍不同今則後高而前低梁制人主始加元服
五梁三公及公侯三梁卿大夫關內侯千石以上兩
梁餘一梁今一品七梁二品六梁三品五梁以次而
殺至九品雜流一梁於前綴一小粧金獬豸曰豸冠
內外臺臣得戴之按古獬豸冠高五寸以縱爲展簞
鐵爲柱卷亦似不同也

漢天子不能鈞駟而諸侯貧者或乘牛車鈞駟淳駟

也然則天子亦四馬矣曹公以騎征伐故重牛車迨
晉世而益貴至有瑩蹄角稱八百里駁又日行七百
里如王君夫苟道將者江左而後又有當世快牛陳
世子青玉三郎烏呂文顯折角江瞿曇白鼻

沈約宋書天鹿純靈之獸五色光耀洞明角端日行
萬八千里又曉四夷之語曰澤黃帝時獸跣蹄后土
之獸俱神靈能言語齟者幽隱獸能辟災害飛菟驪
裹俱日行三萬里神馬也天鹿疑即天祿辟邪而形
不稱角端在元太祖時見西域元太祖時耶律楚材

引以祖師者

穆天子傳狗名重工徹止藿猴來白龍狗獸名白狐
玄貉赤豹白虎狡狴野馬邛邛距虛犛牛豪馬豪牛
豪羊鳥名鸛鷄白鳥青鷗草名藿葦莞蒲茅蒼蕪蓼
蒼董木禾木名模董姑繇

史記世俘解謂武王狩禽虎二百有二猶麋五千二
百三十五犀十有二犛七百二十有一熊百五十有
一羆百一十有八豕三百五十有二貉十有八麀十
有六麝五十麋三十鹿二千五百有八武王征四方

凡數國九十有六國。馘魔億有十萬七千七百九十有九俘人三億萬有二百二十。凡服國六百五十有二。此雖夸大不經之辭。然武王克殷之後，封同姓及異姓功臣數十餘國，此必有所廢滅而一無所考。豎儒不學，却以為後世無史，吾不信也。

今人俗書鯿魚作鱈魚，非也。爾雅曰：鯿，鱈刀。注：今之鯿魚亦呼為魴魚。按山海經：浮玉山北望具區，若水出於其陰，其中多鯿魚。郭璞注云：鯿魚狹薄而長鬚，一名刀魚。太湖中饒之蘇子瞻詩：知有江南風物否。

桃花流水紫魚肥

江紫湖紫皆有子，海紫無子。河魴大斑魚，小形同皆美。肝有客戲謂海紫為江湖一紫，婦斑魚為河魴孫。謔而有理。

物之瘦者蜈蚣，輕者蝴蝶。嶺南異物志見有物如蒲帆，過海將到舟，競以物擊之，破碎墜地，視之乃蝴蝶也。海人去其翅足，稱肉得八十斤，噉之極肥。美葛洪遐觀賦：蜈蚣大者長百步，頭如車箱，屠裂取肉，白如瓠。南越志云：大者其皮可以鞞鼓，其肉暴為脯，美於

牛肉

月令仲夏日鹿角解仲冬日麋角解鹿以夏至隕角而應陰麋以冬至隕角而應陽鹿肉暖以陽為體麋肉寒以陰為體以陽為體者以陰為末以陰為體者以陽為末末者角也故麋茸補陽利於男子鹿茸補陰利於婦人見王楙所著甚明今人不惟一槩作男子補精益血之劑於麋鹿亦不能辨矣

洪武乙卯夏五月丁丑 上御奉天門召翰林臣出示元內庫所藏巨桃半核長五寸廣四寸七分前刻

西王母賜漢武桃及宣和殿十字塗以金中繪龜鶴雲氣之象後鐫庚子年申申月丁酉日記其字如前之數命學士宋濂為賦濂既承命謂庚子實宣和二

年字疑祐陵所書又以王母獻桃事詳見張華博物志第八卷史補類桃七枚大如彈丸遺帝五自食其一漢武內傳所謂桃如鳧卵形圓而色青者以為疑又引蔡京所記尚方有王母蟠桃核頗鉅以為實跋尾復云徽宗本記宣和元年己亥二月庚辰改元遂易宣和為保和殿至四年壬辰夏四月丙午詔錄三

館書置三和殿及太清樓秘閣始重稱宣和今核上之字刻於二年庚子之甲申月乃不書保和而猶襲宣和之名此固不可不疑況丁酉日屬庚子歲癸未月月終尤不可致詰意此核非漢武時物字亦非祐陵所書雜書載海外多大桃或者得其遺核特依倣而托之者歟宋記如此按玄中記云木子之大者有積石山之桃實焉大如十斛籠又拾遺記漢明帝時獻巨核桃此桃霜下結花隆暑方實鄴中記石虎苑中有勾鼻桃重二斤神異經東北荒有桃高五十丈

葉長八尺廣四尺子徑三尺二寸然則巨核桃誠非王母所遺漢武者矣

秦中果實之佳者曰偏桃仁燕中果實之佳者曰巴旦杏仁巴旦蓋胡元時語也今杏仁多而偏桃仁遂少按嶺表錄異曰核桃出畢占國肉不堪食胡人多收其核遺漢官以稱珍異其形薄而尖頭偏如雀嘴破之食其桃仁味酸似新羅松子性熱入藥分與北地桃無異今巴旦杏亦不堪食其仁味甘於榛而鬆於榧真佳品也

枹杵子曰河上姪女非婦人也陵陽子明非男子也
禹餘糧非米也堯漿非水也俗人見方用龍膽虎掌
雞頭鴨蹠馬肺犬血鼠尾牛膝皆謂之血氣之物見
用缺盃覆盆釜鑿大戟鬼箭天鈎則鐵瓦之器也見
用胡王使者倚姑新婦野丈人守田公戴文浴徐長
卿則謂人之姓名也

元太祖西征至印度遇大獸其高數十丈角如犀牛
作人語曰此非帝世界宜速還耶律楚材進曰此名
角端乃旄星之精也聖人在位斯獸奉書而至日馳

萬八千里靈異如鬼神不可犯也按漢書司馬相如
上林賦曰其獸則麒麟角端張揖曰角端似牛其角
可以爲弓郭璞曰角端似猪角在鼻上可作弓李陵
嘗以此弓十張遺蘇武師古曰郭說是也史記作觼
音端漢書文選皆作端然則角端乃北中一獸也楚材
權詞以對耳不踰年而元祖崩豈非神異之物乎璞
又注麒麟云麒似麟而無角毛詩疏云麟黃色角端
有肉陶九成併以以釋角端云似麒麟而無角抑何
鹵莽之甚耶據璞解則今之畫一角者麟也非麒也

○郡國志曰大賓縣漢布山縣地有堂牛與蛇同穴
牛嗜鹽俚人以皮裹手塗鹽入穴探之牛舐之出外
則不得取其角爲毳一曰糖牛又山海經鳥鼠同穴
山在隴西首陽縣西南爾雅云鳥爲餘鼠爲鼯郭璞
注鼯如人家鼠而短尾餘似鷄而小黃黑色穴入地
三四尺鼠在內鳥在外胡承乏云甘肅永昌衛山中
亦有此異鳥則灰白色夷名本周兒鼠則如郭注夷
名苦木兀兒

增補藝苑卮言卷之十五

增補藝苑卮言卷之十六

吳郡王世貞元美著

新安程 榮仲仁梓

吳起爲西河守欲攻徙秦亭乃倚一車轆放北門之
外而令之曰有能徙此南門之外賜之上田上宅人
莫之徙也及有徙之者還賜之如令俄又置一石赤
菽門之外而令之如初人爭徙之乃令攻亭商鞅徙
木之賞蓋本此人知鞅之賞徙而不知起之賞徙也
○季桓子穿井而獲土缶中有羊焉使人問仲尼曰

穿井而獲狗何也孔子對曰以丘之所聞羊也土之
恠曰墳羊然則夫子以爲土無狗也按尸子曰地中
有犬名地狼夏鼎志曰掘地得犬曰質晉太興元四
等年及隆安初皆於地中得犬使夫子而當其時不
誤對哉夫子又云木石之恠曰夔蝟蝮水之恠曰龍
罔象而吳先主樟樹中所斫之有物面似人而狗身陸
敬叔曰按白澤圖云木之精曰彭侯狀如黑狗無尾
可烹食之當是時夫子又當誤對也

楚悼王薨貴戚大臣作亂攻吳起起走之王師而伏

之擊起之徒因射刺起拜中王尸旣葬肅王卽位使
令尹盍誅爲亂者坐起夷宗者七十家齊大夫與蘇
秦爭寵使人刺之不死殊而走齊王求賊不得蘇秦
且死乃謂齊王曰臣卽死車裂臣以狗於市曰蘇秦
爲齊作亂於齊如此則臣之賊必得矣於是如其言
而殺蘇秦者果自出齊王因而誅之若起與秦身死
而能報讎者也

哭秦庭而救楚者左傳以爲申包胥戰國策以爲琴
冒勃蘇此非二人戰國策之誤也

吳公子慶忌欲復王僚之讎而爲要離所殺夫差將
亡公子慶忌驟諫欲殺不忠者爲夫差所殺一見史
記一見左傳然則吳有兩公子慶忌耶

說苑云桀貴爲天子富有天下而左師觸龍者諂諛
不止荀子云曹觸龍之於紂可謂國賊矣趙又有左
師觸龍說太后長安君爲質事是有三觸龍二諂而
一忠又二觸龍俱爲左師亦奇事也晉文公之舅狐
偃字子犯爲上卿稱咎犯其孫平公以咎犯參治國
晉亦有兩咎犯也

宋子罕與田恒九人上逼君下亂治援外以撓內親
下以謀上又云宋君失其爪牙於子罕簡公失其爪
牙於田常而不蚤奪之故身死國亡然則子罕者左
氏以爲賢相而韓非氏以爲弑君之賊也

荀子韓之張去疾趙之奉陽齊之孟嘗可謂篡臣也
註去疾張良之祖然則去疾亂韓而良能爲韓克蓋
前人之愆者也

漢儒云禹母吞薏苡而生禹故夏姓曰姁高母啓燕
卵而生契故殷姓曰子后稷母履大人跡而生稷故

周姓曰姬禹尙逆生闔母背而出后稷者順生不圻
不副逆生者子孫逆死故桀紂誅順生者子孫順亡
故赧王伏此甚可笑桀亦非誅死也王充辨之更益
支離

夏禹伯益作山海經有長沙零陵桂陽諸暨郡縣神
農作本草而有豫章朱崖趙國常山奉高真定臨淄
馮翊等郡縣周公作爾雅而云張仲孝友孔子作春
秋而云孔丘卒左丘明作世本而有漢高祖燕王喜
汲冢瑣語乃載秦望碑李斯作蒼頡篇而有漢燕天

下海內并廁豨鯨韓覆畔討滅殘司馬遷作史記而
有班固敘贊劉向作列仙傳而贊云七十四人出佛
經又作列女傳其子歆足成之而有更始韓夫人明
德馬后梁婦人嫫媿傳顏氏以爲後人所羈非本文也
然山海經本草爾雅恐亦非禹神農周公作

孔子三世出其妻曾子之出妻也以蒸藜不熟孟子
之出妻也以惡敗按禮記檀弓曾子父子俱出妻然
顏氏家訓有云曾參婦死謂其子曰吾不及吉甫汝
不及伯奇遂終身不娶恐別有據

太公金匱曰武王伐殷丁侯不朝尚父乃盡丁侯射之丁侯病遣使請臣尚父乃以甲乙日拔其頭箭丙丁日拔目箭戊巳日拔腹箭庚辛日拔股箭壬癸日拔足箭丁侯病乃愈四夷聞乃懼越裳氏獻白雉據此則太公一吃菜事魔茅山道人也誣罔那可信王充云堯以天下讓舜鮪爲諸侯欲得三公而堯不聽怒其猛獸欲以爲亂鮪何得有此事而充妄引之○慮子賤治單父而臞有若謂之曰昔者舜鼓五絃歌南風之詩而天下治云然則子賤之鳴琴固有若

教之也

齊人攻魯魯欲將吳起起取齊女爲妻而魯疑之起遂殺其妻以明不與齊也魯卒以爲將將而攻齊大破之見史記又起衛人也使其妻織組而幅狹於度吳子使更之其妻曰諾及成復度之果不中度吳子大怒出其妻妻之弟重於衛君乃因以衛君之重請吳子不聽遂去衛而入荆也見韓非子公叔爲相尚魏公主而害起從其僕謀謂武侯曰起賢人也而國小與疆秦壤界竊恐無留心也武侯曰柰何曰試延

以公主無留心則必辭公仲召吳起令公主怒而輕
公仲吳起見公主之賤魏相也辭武侯遂疑之起出
奔楚見戰國策合三者觀之爲起妻者不亦難哉
淮南子云桀囚於焦門悔不殺湯於夏臺紂居於宣
室悔不誅文王於羑里紂不聞拘宣室果繫所也漢
不宜以名齋殿

淮南子武王尅殷欲築宮於五行之山註謂上黨地
楊用修引列子稱太行為太形從形字音此亦一證
○古樂錄載卞和獻楚王玉玉使樂正子視之以爲

石也而刖和足此樂正子卽所謂下堂而傷其足三
月不出猶有憂色者也又傳稱堯時十日並出焦禾
殺稼使羿射九日盡墮及羿妻竊長生藥八月爲嫦娥
娥事雖不經而極可笑予嘗戲作荆玉篇末云膝行
向前中自傷野人安敢望陵陽惟憑寄與樂正子三
月胡爲不下堂又古意末句云不信雕弧摧九日却
留明月隱嫦娥可供藝林一笑

阮嗣宗詩西游咸陽中趙李相經過註謂李夫人趙
飛燕大誤或云趙飛燕李平皆成帝所幸婕妤然不

藝苑居言 卷之十六
應與婕妤游從班史谷永傳又有爲趙李報德復怨
註小臣趙李從微賤尊寵楊用修又言卽趙季李歎
然二人皆陽翟大俠爲何並所殺未審孰是

平陵方望以書別隗囂范蠡收責句踐乘扁舟於五
湖咎犯謝罪文公亦逡巡於河上夫以二子之賢勒
銘兩國猶削跡歸愆請命乞身望之無勞固其宜也
望聞烏氏有龍池之上微徑南通與漢相屬其傍時
有奇人聊及閒暇廣求其人願將軍勉之雖鴟夷子
皮何以加焉然至立劉林作天子自爲丞相卒陷大

僂死者有知能無爲西州強魄所笑

梁冀使馬融爲飛章奏李固云胡粉飾面搔頭弄姿
此雖誣語要是當時風俗亦有之耳何晏粉白不去
手又五行志稱其好着婦人之服以爲服妖顏氏家
訓有二云梁朝全盛之時貴游子弟無不熏衣剃面傅
粉施朱駕長簷車踉高齒屐坐碁子方褥憑班絲隱
囊蓋自唐以後始不復傅朱粉耳昔人不知隱囊之
制觀此可以意會矣古字穩皆作隱疑此穩囊也
陰符經是秦漢人贗作李荃爲之釋仍託辭於驪山

老姥以神其說楊用修遂謂爲荃作非也荃開元時人永徽中褚河南遂良嘗奉旨寫一百卷今養生家尚尊之以比於素問參同

驚帆魏曹洪所名駿馬也馳馬吳孫權所名快舫也二事正相反而又相對出一時甚奇舟又有鳴鶴飛鳥青鷁茵鷺蒼隼鸚鵡鸚鵡鴉頭鴻毛者皆鳥名見西京雜記晉今宮閣記吳志蜀王本記輿服雜事諸書白鵠青雀見梁元帝詩

楊用修記魏蘇則與吉茂同隱太白山則爲侍中侍

中親省起居故謂之執虎子茂見則曰仕進不止執虎子則咲曰誠不能效汝蹇蹇鹿車驅按漢世有諺語云仕宦不止車生耳謂重較也吉茂反語以戲蘇則謂不得坐重較車而反執虎子也則亦爲韻語以荅茂陳晦伯正揚辨之更不明按虎子褻器也漢侍中親省起居不免奉溺器漢孔安國以儒者特聽掌御唾壺朝廷榮之鹿車柴車也中僅容一鹿故名漢冗散郎乘鹿車見趙熹傳茂以則雖貴而褻故咲之則謂我雖褻不若汝之遲滯也以虎子對鹿車又借

仕宦不止車生耳意非謂重較反語也

王充有辨諱諸篇其辭雖繁猥亦足以見當時風俗也大諱四其一諱西蓋宅墓與田則不諱其二諱被刑爲徒者不得上祖父墳墓其三諱婦人孔子以爲不吉將舉吉事入山林遠行度川澤者不與交通乳子之家亦忌惡之踰月乃入室江北孔子不出房室至犬乳置之宅外江北諱犬不諱人江南諱人不諱犬其四諱舉正月五月子至曲俗微小之諱如厲刀井上承屋檐而坐及懸冠偃寢以箸相受相代掃之

類不一而足又穿墓起宅蓋屋擇日墾田治園圃不擇日沐頭擇日浴不擇日裁衣擇日治冠不擇日今亦因之學書諱丙日云蒼頡以丙日死也不以子卯舉樂云殷夏以子卯日亡也今小兒除髮避火日丁日

荆楚歲時記五月忌曝牀薦席又忌上屋

傳謂夔一足而莊子又有夔憐蚘蚘憐風世人真以夔一足矣獨韓非子明之哀公問孔子曰夔一足信乎曰夔人也何故一足彼其無他異而獨通於聲堯

藝苑卮言 卷之十六 九
曰夔一而足矣使爲樂正非一足也又謂黃帝四面而尸子明之引孔子云帝合如已者四人于四方謂四面耳非真四面也

古稱金鷄放赦至今詔書於五鳳樓以金雞口銜下之三國典略司馬膺之曰案海中有占天鷄星動當有赦故帝王以金鷄建赦

商雒鼎十有四蔡君謨以問劉原父不能對呂氏考古圖古器銘有十二月十九日牧敦銘惟王十年十有三月十三日或是閏月若十四十九日則不可知

矣或以爲人君卽位居喪踰年未改元要之古無此禮殆不可曉也

典謨之世君臣俱稱朕至屈原猶稱朕皇考秦制定而後人臣始不敢稱朕矣然於稱謂之際猶未大相懸避也馬援醜酒享士皆伏稱萬歲姚期叱門者曰趨武帝詔山濤曰山太常雖居諫閣謝鯤言端拱廟堂薛宣自言垂拱蒙成蔡邕楊賜碑統大麓之重潘尼贈盧景宣九五思飛龍孫楚王驃騎誄奄忽登遐陸機父誄億兆宅心敦敘百揆姊誄云倪天之和晉

曹攄一縣皆稱曰聖君司馬相如傳臨邛命日往朝
相如魏相傳帶劔奏事霍光傳鴟鳴殿前樹上黃霸
郡國上計吏長史一輩先上殿自六代而後則無之
矣宋孝武裁損諸王制度其禁始嚴見江夏王義恭
傳山無外桓譚新論曰太原民爲介子推故隆冬不火食今陸
翹鄴中記云并州俗冬至一百五日爲子推斷火冷
食三日作乾粥范曄後漢書周舉遷并州刺史移文
介子推廟云春中寒食一月老小不堪今則三日而
日爲正

已琴操云介子綏焚死文公哀之令民五月五日不
得發火所謂隆冬及五日者恐記聞之誤今以百五
日爲正

左傳云一介行李杜預云使人也唐李濟翁云當作
行使宋方勺云臯陶爲大理一本作大李天官書熒
惑爲李徐廣注外則理兵內則理政又黃帝李法顏
師古注李者法官之號李與理通蓋人將行而理裝
也左傳又云行理之命

班孟堅西京賦天子乃登屬玉之館李善引服虔注

以玉飾因名焉抑何陋也屬玉水鳥名天子以栢梁
災爲厭勝故上林諸觀多以水鳥名觀觀卽館也見
西京雜記此不甚僻而服註乃爾

蹇產西京賦註以爲高大貌上林賦則曰屈曲婆娑
王褒四子論註以爲舞貌然老子婆娑又病態也翠
粲子虛賦張揖註衣聲也嵇生琴賦曰則曰鮮色也
繆葛卽膠葛一註上清之氣一註雜亂貌也一註廣
大貌岬岬一註漸平一註險高葳蕤子虛賦註羽飾
貌封禪書註委頓也南都賦註羽飾貌蓋隨文詁釋

非真有所考據也

註謝靈運詩天鷄弄和風鳥也郭璞江賦天雞則云
黑身一名莎鷄按詩莎鷄振羽羽蟲也然江賦所云
天鷄晨鵠鵠鷲鷲則非小蟲明矣

龍鍾蘇鶚解以爲不昌不翹舉之貌終不能釋字義
一云竹名又以爲鐘籠亦不明其爲衰態也

黃銀瑜石傳者謂爲一物非也禮斗威儀記曰君乘
金而王則黃銀見唐太宗賜房玄齡等黃銀帶時杜
如晦新亡帝欲賜之以鬼神畏黃銀別賜黃金帶於

靈座廣志曰鑰石似金亦有與金雜者淘之則分鍾
會芻蕘論云莠生似禾鑰石像金唐高宗上元中詔
九品服淺碧鑰石八胯帶然則黃銀貴而鑰石賤也
今二物不聞以爲貨亦鮮有裝飾者豈後世不復產
耶按王莽作威斗以五色石銅爲之李奇曰以五色
藥石及銅爲之師古曰若今作鑰石之爲然則鑰石
乃鑄成者也

青霞子曰丹砂伏火化爲黃銀能重能輕能神能靈
方勺泊宅編曰黃銀出蜀中南山罕識朝散郎顏生

在京抵當庫有以十釵質錢者其色重與上金無異
試之石則正白然則黃銀者其亦丹砂所煉者耶
石蜜非蜜也本草云石飴也生武都此品今不見今
所謂石蜜者糖精也按唐書番胡國出石蜜中國貴
之上得其法令揚州煎諸蔗之汁造焉色味逾於西
域異物志云交趾之單滋大者數寸煎之凝如冰破
如博基涼州異物志云石蜜之滋甜於浮萍非蜂之
類假石之名實出甘柘變而逾輕註云煮而暴之則
凝如石而甚輕可考見矣

孟光舉案齊眉按說文几屬也楊用修引張平子何以報之青玉案謂以爲青玉盃且云光一婦人安能舉案則用修以案爲今之案卓耳以案作盃尤無據按楚漢春秋淮陰侯謝武涉漢王賜臣玉案之食以今度之想是玉盤而下有足者曰玉案故說文以爲几屬耳或於案中別置器或徑置食若孟光則力能舉石曰而况一案乎

堯千鍾孔百觶蓋自古言之而高允酒訓稱子思云夫子之飲不能一升以此推之千鍾百觶皆爲妄也按百觶故爲過辭一升亦非實錄鄉黨所云惟酒無量不及亂則夫子固善飲者也

宋五行志謝靈運每出入自扶接者常數人民間謠曰四人挈衣裙三人捉坐席蓋其時人出入皆用門生扶曳靈運但多耳宋有宋榻石本右軍大令像簪冠博衣若半酣狀前後門生二人扶曳之與此正合○古人吉禮尚左唯喪禮軍禮尚右左陽右陰故喪禮右也人左臂力少右臂力多故軍禮右也秦漢及胡元之世丞相將軍以下官俱先右而後左秦漢極

強元極大秦於金石文及本紀稱右丞相去疾左承相斯可證唐玄宗時改侍中為左相中書令為右相右相以李林甫楊國忠為之而左相陳希烈韋見素取充位而已當始皇及天寶之季亦最強大也蘇秦稱臨淄之中車轂擊以為盛又樂府註云齊人本好轂擊相犯以為樂也

涓石梁好畏見已之影以為鬼而驚死

淮南子魯哀公欲西益宅史爭之而不聽宰折睢不爭而聽孔子馬為野人所繫子貢巧說而不得馬圉

拙說而得疑亦寓言也

漢書高祖五年令田橫乘傳詣洛陽如淳曰漢律四馬高足為置傳四馬中足為馳傳四馬下足為乘傳一馬二馬為軺傳然漢書凡傳皆稱乘不如是分別也不然文帝之從代即位周亞夫之以太尉南討至六傳豈小緩事耶而四馬下足也

古象刑墨黥涅其面也慄嬰凶寇之飾令罪人服之也共艾畢以蒼白

今罪人菲對履傾子作緝或殺赭衣而不純以赤土

服之也而不緣也亦可謂輕矣

孫掉子曰海人與山客辨其山物海人曰海中有魚
額若華山之頂一吸萬頃之波山客曰鄧林有木圍
三萬尋直上千里旁陰數國有人曰東極有大人斬
木爲策杖不可枝釣魚爲舖不足充饑楊用修全倣
此而稍增益之

管仲初相齊以隰朋爲東國賓胥無爲西土賓公子
開方游於衛季友游於魯蒙孫遊於楚其後復使公
子舉游魯開方仍游衛曹孫宿游楚以隰朋爲大行
甯戚爲大司田王子成父爲大司馬賓胥無爲大司

理東郭牙爲大諫其最後也以開方游衛十五年不
省親而勸桓公勿用可謂能用舍人矣
司馬田穰苴傳人或疑之以左氏不載也按晏子云
景公飲酒夜移於晏子前驅欵門曰君至晏子玄端
立於門曰諸侯得微有故乎國家得微有事乎君何
爲非時而夜辱公曰酒錯之味金石之聲願與夫子
樂之晏子對曰夫布薦席陳簋簋者有人臣不敢與
焉公曰移於司馬穰苴之家前驅欵門曰君王穰苴
介冑操戟立於門曰諸侯得微有兵乎大臣得微有

叛者乎君何爲非時而夜辱公曰酒錯之味金石之聲願與將軍樂之穰苴對曰夫布薦席陳篋簞者有人臣不敢與焉此事可入傳

老聃至西戎而效夷言夏禹入髀國而解下堂墨子

見荆王而文錦吹笙非苟違性隨時所好也

見劉子名昭

東方曼倩陸沈金馬爲大隱朝市之說其流弊至於無所底止有所謂通隱者何點也見本傳充隱者皇甫希之也見桓玄傳黃扉隱士者許寂也仕蜀好修鍊見蜀檮杌隨駕隱士者盧藏用也舉進士不調始

隱終南有意當世見本傳遊俠隱士者前何點與弟胤也遨遊人間見本傳

少陵詩所謂投壺郭舍人者卽與東方朔滑稽而不勝者也西京雜記稱郭舍人能投壺一箭七十餘驍顏光祿載汝南周瑣會稽賀徽並能四十餘驍驍者自壺躍出復以手接之屢投屢躍不墜地也其名有倚竿帶劍狼壺豹尾龍首尤妙者有蓮花驍

古樂府有鄭櫻桃篇極言石虎以妓女爲后按晉書載紀云櫻桃是優童也虎溺嬖之信其讒至殺妻及

攷十六國春秋則云櫻桃是冗從僕射鄭世達妓也
太妃給虎虎嬖之立爲后又二石僞事云虎攻中山
得鄭略妹爲妾信其讒射殺妻崔氏與歌辭合未知
孰是

莊子云人而不學謂之視肉學而不行命之撮囊四
字頗奇

孟嘗君客雞鳴狗盜而出秦難楚子歿禮善偷者而
却齊師

史稱齊文宣在東山飲酒投杯赫怒召一奴於前爲

書將西討周人震恐常爲度隴之計三國典略載其
全文曰朕歷數在躬志清四方蕞爾秦隴久阻風化
混一之事期在今日必當訓旅誓衆天動雲臨朕已
下甲汾流沈船晉地便當躬率將士平陵王壁徑掩
長安梟彼兇首朕與梁國舊敦好睦近聞其奸乃欲
規謀宜令上黨王渙總勒熊羆星流風卷王者之言
明如日月宜宣內外咸使聞知齊主覽收草於兇首
下是九言曰雖藏山沒水終不縱赦卽此詔也
昔人以玉右軍蘭亭詩敘比石崇金谷園詩序云右

軍甚喜楊用修嘗得其全文傳之及覽修文御覽所載云吾有廬在河南金谷中去城十里有田十頃羊二百口鷄猪鵝鴨之屬莫不畢備用修所載缺此恐亦未是全文

蔡琰入胡爲胡婦生子歸復嫁董祀而范曄傳之列女賀知章八十六有疾冥然始乞鑑湖爲道士而宋祁傳之隱逸蓋修史者悖節之臣難退之士故也

杜牧詩疊嶂巧分丁字水按水經丁溪水在泗東然福建汀州之名汀亦以溪水如丁字也巴江流亦如

巴字

沛國劉顯偏精班漢時人目之爲漢聖杜預研精左傳時人目之爲左氏癖同一精也一以稱聖一以稱癖

歲之爲遂也尺之爲赤也卷之爲弓也雖古書道經有之然而不可恒用也

荀子云墨子蔽於用而不知文宋子蔽於用而不知得慎子蔽於法而不知賢申子蔽於勢而不知知惠子蔽於辭而不知實莊子蔽於天而不知人楊子云

莊揚蕩而不法墨晏儉而廢禮申韓儉而無化鄒衍
迂而不信

晉志稱漢世祖挺英雄之略總文景之資揚霓拂翳
皮軒記鼓橫汾河而祠后土登甘泉而祭昊天大駕
車千乘騎萬匹以幸姬趙飛鸞置屬車間豹尾中然
則武帝世又有一趙飛鸞耶抑李夫人之誤也

名山藏書者嵩高山記一石室有自然書及飲食九
土文括略禹禪會稽山一石穴委曲黃帝藏書於此
禹得之又水經注石山有金簡玉字書禹發之得治

水之理吳地記包山中有洞庭深遠吳王夫差使靈
威丈人入洞穴十七日得玉葉上列靈寶經二卷使
示孔子曰禹書也吳越春秋九山東南曰天承山號
宛委承以文玉覆以蘭石其書金簡青玉爲字編以
金銀禹登衡山有赤繡衣男子自稱玄夷 使者
謂禹曰欲得我簡書知道水方齋於皇帝之嶽禹乃
齋登石簣山果得其文周行天下使伯益記之爲山
海經荆州記小酉山上石穴中書千卷相傳秦人於
此而學因留之梁湘東王云訪小酉之逸典是也武

陵記天門山巖中有書數千卷見而不可取伏滔北
征 塲古陶穴藏書二千餘卷

有藏道經者抱朴子云 書之重者莫過於三皇內
文五嶽真形圖名山五嶽皆有二藏於石室太上真
人靈寶秘文內符鍾山真人授禹禹更撰定為二通
一藏苗山一付雲水洞室玉帝七聖玄紀云舊文十
五萬藏崑崙北洞大洞篇目云鬱儀結隣藏王屋中
清虛洞飛龍隱訣云飛玄羽經藏峨眉山金太微黃
書經云天真三皇藏八會之文於委羽山太微天帝

藏一通於龜山

相物者陳君夫相馬留長孺相堯榮陽褚氏相牛又
有浮丘伯相鶴經甯戚高堂隆相牛經嚴助相具經
師曠禽經伯樂周穆王諸葛穎徐成相馬經而相馬
者又有寒風吳相口齒麻胡相頰女厲相目衛忌相
髦許鄙相尻代羯相胸脇管青相臆吻陳非相股脚
秦牙相前君贊相後

解獸語者介葛盧見左傳解鳥語者公冶長見衝波傳

詩云不知黃雀侯瑾字子瑜見燉煌實錄又廣漢陽翁仲

語能免治長災

解馬語見論衡

李南亦解馬語見抱朴子

非子

詹何得牛鳴知牛

黑而白在角

見韓非子

廷尉沈僧照聽南山虎嘯云國有

邊事當選人丁

見梁典

荀勗食飯而知炊者之爲勞薪乃故車軸脚也符朗食鷄而知其栖之恒半露又能知鵝白黑毛處可謂玄解若玄晏食麥而云桃杏李三汁所漬則不難矣○史稱海西公無失德以牀席之言易誣故謂其陰痿廢後生子不育時人憐之按五行志百姓歌曰青青御路楊白馬紫游韁汝非皇太子那得甘露漿識

者曰白者金行馬者國族紫蓬奪正之色明以紫間朱也海西公廢其三子以非公之子縊以馬韁死之日南方獻甘露又海西公初生皇子百姓歌云鳳凰生一雛天下莫不喜本言是馬駒今日成龍子其歌甚美其旨甚微海西不男使左右向龍與內侍接生子以爲已子豈海西真痿耶抑溫之所誣者正令人爲謠言也

女子化爲丈夫者漢末女子徐登化爲丈夫有幻術晉安豐女周世寧八歲漸化爲男至十七八遂能御

女寧康初江陵女唐氏劉聰時內史女人唐光啓二年郿縣女子宋乾道三年永州支氏女慶元三年袁州黃念四女括異志廣州蕭氏女大娘子並化爲男丈夫化爲女子者華陽國志武都丈夫化爲女子蜀王寵之至亡國漢哀帝建平中豫章男子化爲女嫁人生一子建安七年越雋男子劉曜時武功男子蘇撫陝男子伍長平並化爲女京房易傳曰女子化爲丈夫茲謂陰昌賤人爲王丈夫化爲女子茲陰勝陽厥咎亡洪景盧謂爲釋證南渡後有之不爲災矣偶

因戊辰年事記此

京房易妖曰陰在首天下大亂在腹天下有事在背天下無後而宋書稱晉有兩女子一陰在臍上一在下皆淫而不產晉五行志云有陰在首者居楊州有一男子二陽累生俱能行人道而淫

萬曆己丑孟冬

增補藝苑卮言卷之十六

終

萬曆己丑孟冬武

萬曆己丑孟冬武

林樵雲書舍梓行

同德

林樵雲

